

Сирот кўприги жаннатий ва дўзахийга ажратиш учун хизмат қилади | Ақийда дарслари (238-дарс)



19:00 / 31.07.2023 6326

Мўмин-муслмон киши қиёмат куни жаҳаннам устига «сирот» деб аталган кўприк қурилган бўлишига, ундан барча одамларни ўтишга амр қилинишига, кимдир ундан ўтиб, нажот топишига, кимдир ўта олмай, жаҳаннамга қулашига жазм ила иймон келтириши керак. Бу ҳақда ҳам етарли далиллар келган.

Аллоҳ таоло Ёсин сурасида:

﴿يُصِرُّوكَ فَأَذَى الصِّرَاطِ فَأَسْبَقُوا أَعْيُنِهِمْ عَلَيْهِ لَطَمَسْنَا نَشَاءَ وَلَوْ﴾

«Агар хоҳласак, кўзларини теп-текис қилиб қўюрмиз. Бас, улар йўлга шошилурлар. Аммо қандай ҳам кўрсинлар?!» деган (66-оят).

Сирот ва ундан ўтиш ҳақида кўплаб ҳадиси шарифлар келган. Улардан баъзи бир намуналар билан танишамиз.

هُلِّلَا يَضَرَّ رِيَّ رَهْ يَبَا نَع
هُلِّلَا لُؤْسَرَلَا قَلَا قُ هُنَع
مَلَسَوِ هِيَلَعُ هَلِّلَا يَلَص
نِيَبُ طَارُّ صِلَا بَرُّضِي وَ
أَنَا نُوكَأَفُ ، مِّنْ هَجْ يَرْهَظ
أَلَو ، أَهْزِي جِي نَمَلَّوَأُ يَتَّمُأُو
لُسُرُلَا أَلَا ذِيَّ مَوِي مَلَكَّتِي
مُهَلِّلَا : ذِيَّ مَوِي لُسُرُلَا يَوَعَدُو
بِنَاخِي شِلَا هَاوَر . «مَلَسَ مَلَسَ

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Сўнгра жаҳаннам устига кўприк қурилур. Расуллардан ўз уммати ила унинг устидан биринчи ўтган мен бўламан. Ўша кунда расуллардан ўзга ҳеч ким гапирмас. У кунда расулларнинг каломи «Эй Аллоҳим! Саломат қил! Саломат қил!» бўлур», дедилар».

Икки шайх ривоят қилганлар.

Сирот дўзах устига қурилган кўприк бўлиб, маҳшарда туриш тамом бўлганидан кейин одамларга ўша кўприкдан ўтиш амр қилинади. Бу ҳам қиёмат кунининг энг оғир паллаларидан бири бўлади. У пайтда пайғамбарлар ҳам «Эй Аллоҳим! Саломат қил! Саломат қил!»дан бошқани айта олмайди.

Бошқа бир ҳадиси шарифда:

«Бас, мўминлар худди кўз юмиб-очгунча, чақмоқдек, шамолдек, қушдек, чопқир отлардек ва туялардек ўтиб кетурлар. Бас, нажот топувчи мусулмон тирналган ва жаҳаннам оловига қулаган бўлур», деган иборалар келади.

Демак, сирот одамларни жаннатий ва дўзахийга ажратиш учун хизмат қилади. Ундан ўтиб кетганлар жаннатга тушади. Ўта олмай йиқилганлар жаҳаннамга қулайди.

Бундан одамлар бу дунёдаги иймонлари ва ибодатлари ҳамда солиҳ амаллари кучига қараб сиротдан турли тезликда ўтишлари билиб олинади. Шу билан бирга, жаҳаннамга йиқиладиганлар ҳам бор.

عَبُّعُشٍ نَبِ عَرِيْعُمَلَا نَع
لَاقٍ لَاقٍ هُنَّعُ هَلَلَا يَضَر
هُلَلَا يَلَّصِ هَلَلَا لُوسَر
نَمُّمَلَا رَاعُشٍ « مَلَّسَوِ هِيَلَع
مَلَّسَوِ بَرِّ طَارُّصَلَا يَلَع
» مَلَّس.

Муғийра ибн Шўъба розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Мўминнинг сирот устидаги шиори «Роббим! Саломат қил! Саломат қил!»дир», дедилар».

Аллоҳ таоло қиёматда ушбу шиорни айтиб, сиротдан энг катта тезликда ўтиб кетишимизни муяссар қилсин.

«Сунний ақийдалар» китоби асосида тайёрланди

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 22 июлдаги 03-07/5979-рақамли хулосаси асосида чоп этилган.